

海

國

圖

志

海國圖志卷七十

外大西洋

邵陽魏源重輯

南墨利加諸島

原無
今補

職方外紀曰南亞墨利加之島不可勝數其大者爲小
以西把尼亞爲古巴爲牙賣加等氣候大抵多熱草木
開花結實終歲不斷產一異草食之殺人去其汁則甚
美亦可爲糧有毒木人過其影卽死手觸其枝葉亦死
覺中其毒亟沉水中可免有鳥夜張其翼則發大光可
自照野猪猛獸縱橫原野土人善走疾如奔馬又能負

重若足力竭後以鍼刺股出黑血少許則疾走如初取黃金每歲限定幾日先期齋戒以祈神佑又有一島女人善射又甚勇猛生數歲卽割其右乳以便弓矢昔有商船行近此島遇女子盪小舟至射殺商船二人去如飛不可追逐更有一島土人言其泉水甚異於日未出時往取其水洗面百遍老容可復如少又有一島名百爾謨達無人居魔叢其上其側近海無風恒起大浪海船至此甚險四十年間曾有一船至彼魔幕登其舟舟中人皆驚仆獨一舵師不爲動且詰問何物魔卽應言

舟中有何工作我當代汝舵師指授所爲魔一一與言相反如命東卽西命行則止舵師恍悟一法乃顛倒命之舟卽疾行甚如飛鳥海道三萬里三日而至抵家言起程之期人皆不信視所寄書中日月果然其怪異如此又有一島墨瓦蘭嘗過此島不見人物謂之日無福島又有珊瑚島以多生珊瑚樹故名之有新爲匿島甚大其勢貌似利未亞之爲匿島故以爲名亦曰入匿向未周達此地意其與墨瓦蠟尼相連十餘年前乃知有海船過其南見爲一島經度起赤道以南一度至十二

度止緯度起一百六十五至一百九十止其土風未詳
每月統紀傳曰澳大利亞爲嶼四邊濱大南海及東南
海也南南極出地四十七度一十七分北南極出地十
度三十七分西出地偏東一百一十四度二十八分東
出地偏東一百五十三度二十三分

西海諸島

萬國地里全圖集曰亞默利加西海之隅羣島碁布皆
被歐羅巴列國所據買黑面人墾種之是以居民稠密
惟中多火峯屢次地震狂風輒作走石飛沙其島之形

勢如弓彎北極出自一十度至二十六偏西自六十至八十四度南及可危等國北至縛卽花旗國之半地其小嶼在南北向益增內有加勒島和暖豐產同于南海羣島出白糖酒珈琲珂珂子棉花等物但因開墾勞費所出貨價貴昂是以生意不盛。西班牙國初尋新地之時到此等島卽開馬頭攻逐土蠻又買黑奴以耕墾由此販賣人口之弊起及西班牙人後到南海大地之金山遂棄此羣島猶傲蹠不復管轄由是海賊羣赴島港藏匿攻擊是班牙國之商船如此英佛荷丁瑞各國

又乘亂據占其地及佛國大變之時其藩屬之黑奴卽動干戈將其白主一切戮殺致萬有餘人受害嗣後土酋自立爲主是以英國民人仰體聖書福音之理知販賣人口不合律例明背上帝是以諭飭所有藩屬島內各黑奴一槩釋放而頒銀六百萬兩賞還買黑奴之價共放五十三萬七千之奴此等仁行殊屬可讚焉。英國在此洲內所據之島如牙買加有山下溪澗灌溉田土其農甚盛而其會城京敦被地震滅且颶風毀壞又安地禺亞吉等島古時歸英國而多米尼加山地多巴

巽等島以及近附大地之特尼谷島皆新所據取派軍防範建邑蓋屋居人樂業其北有巴夏馬之羣島東離大地九百有餘里亦有百慕他羣島兩者雖天氣溫晴卻不產物已賣與外國不復重之也英國商船年年於各島運入銀千五百六十三萬兩所運出者二千三百八十一萬兩其船共計五千八百六十隻○西班牙國在此洲內所屬之古巴島長二十一百里最豐裕之地所運出之白糖烟珈琲酒等貨一年共計銀二千萬員所運出者共計二千二百萬員居民共計七十萬名其

中二十八萬黑奴英國雖嚴禁其販賣而西班牙船偷漏不勝其弊其會城曰夏瓦那居民十一萬丁所造之烟甚香價最貴貴港口亦歸是班牙國其黑奴不多但白面之人專務經營土產山積每年價銀二百四十萬兩。佛蘭西國在此洲內所屬之島曰馬耳地匿瓜他鹿等島生意最盛一年出入之貨計銀二百萬兩其風景亦美山青水綠島語花香又海地島甚廣大昔被佛蘭西國占據者但該黑奴謀叛殺其主而立黑王按例辦其島事此時國家未定常時更變於道光二十二年

曾被地震大半敗壞居民死者數千地雖廣而民憚勞
所運出之產價銀二百七十萬兩。荷蘭在此洲內所
居之島止兩處雖不緊要其居民多發財。○丁抹國在
此洲內所屬島亦止兩處專務教其黑奴而釋放之瑞
國亦據小島在北方但其生意微少。原無今補

地理備考曰海地島國在美里加州北區之東南北極
出地十八度起至二十度止經線自西七十一度起至
七十七度止四面枕海東向波爾多黎各島西對矮賈
物古巴二島東界安的列斯海北接大西洋海長約千

五百里寬約五百五十里地面積方六萬里烟戶一兆餘日本國地勢山陵平原相間海濱陡峭河道甚多其長者七湖則無幾其最大者曰索馬士曰英黎幾洛曰多塞田土膏腴穀果豐饒土產銅鐵沉香綿花烟葉藍靛甘蔗加非牙蘭米等物地氣潮溼民性不馴不設君位國人自立官長以理事所奉之教乃羅馬天主教也工商皆少明孝宗宏治五年爲意大里亞國人所據越數載其東土爲大呂宋國所取西土爲佛蘭西國所獲乾隆五十六年見花旗國自立之後于是西土黑人

首叛佛蘭西國其後東土之人亦接踵效尤遂於道光二年合爲一國不受統屬國分六府曰西府波爾德比零塞乃本國都也建于哥那威海灣曰南府曰東府曰北府曰東北府曰東南府

地里備考曰本洲之地隸瑞西國兼攝者曰桑巴爾多羅美乃安的列斯島之一也居緯度北十七度五十五分經度西六十五度十分迴環約五十里烟戶一萬六千餘口田土肥饒樹木上品泊所穩便舳艫相繼首邑名古斯達維亞

外國史畧曰南默利加海隅內洲嶼棋布星羅自弗利他半地延及南亞默利加島嶼廣袤方圓四千三百八十方里與亞西亞之南方相連其地水多急湏船率入之必遭危險各島之山高僅八丈天氣甚熱所產惟糖加非南果綿花而罕穀米是班亞初到此島時居民無多不知工作是班亞卽在列島開墾廣種植買黑奴來此代耕其後他國雲集或攻擊是班亞而奪其嶼或開荒蕪而設邦國島中居民多黑面約二百九十萬口或兩洋列國苗裔是巴亞人三十五萬口英吉利人六十

萬佛蘭西人三十萬、荷蘭人六千五百、地方約二千一百里、居民八十三萬口、其中黑奴三十萬口、白主之黑人十萬口、英國所管者七十五萬口、其中黑面人五十九萬七千口、佛蘭西所管者方圓六十里、居民二十三萬三千口、荷蘭所管者方圓十三里、居民二萬一千六百口、大半係黑奴、大尼國所管者八里、居民四萬五千口、瑞丁所管者二里半、居民千六百口、黑面人所管者方圓千三百八十五里、居民約一百萬口、其中佛蘭西人三萬口、最大之島曰海地、昔屬佛蘭西、乾隆五十八

年佛國之叛奴原聽其自主後叛亂黑面人皆驅佛國官吏兵士遂自立爲王效花旗國擇首領管國務佛國屢攻伐不能克軍士四萬五千民壯十一萬三千水師小船六隻國帑收六百萬兩公欠項四百萬兩當佛國攝權之際運出加非白糖數百萬兩自亂後產物遂減其都曰京港又是班亞所屬之古巴島長百五十里闊三十五里居民七十三萬口黑奴居三分之一高山連亘出金銀石炭多支河下流進口之船千八百八十九隻運出之白糖二十五萬石加非五十萬三千石運入

之物共計千八百五十三萬圓運出之物一千三百萬圓其烟爲眾國所貴其都係合瓦那內有大禮拜堂甚煌耀費銀十六萬。貴港鎮亦屬是班亞廣袤百八十二里居民二十八萬八千其園圃五千七百畝所出者木料白糖綿花米粟並加非胡椒烟樹膏每年運入之貨甚多所出者亦然。英人所據之島計共七所別有他洲所據牙買加島之百姓每年通商利銀約六千萬圓運入者二千一百萬圓運出者二千八百萬圓出銀二百一十萬圓守兵士三千三百民壯一萬八千一百

又巴哈馬羣洲每年商利銀二百一十萬圓，運入者六十四萬圓，運出者五十三萬圓，公帑收銀一十三萬三千圓，出十四萬圓，守兵士二百五十民壯六百，又拉巴突等與每年商利銀三千三百九十圓，運入之貨四百六十六萬圓，運出者千四百八萬圓，國帑收銀三十八萬五千圓，出三十七萬八千圓，守兵五百民壯六千九百，又安地吳亞等島百姓所收千二百三十二萬圓，運入之貨二百一萬圓，運出之物三百九十九萬圓，入公帑二十一萬三千圓，出公帑二十一萬九千圓，守兵八

百五十民壯四千八百、又路齊亞島、每年商利銀二百一十萬圓、運進之物四十五萬五千圓、運出者五十八萬一千圓、收公帑七萬六千圓、所出均同守兵三百、民壯六百、又三位島、每年商利銀九百三十二萬五千圓、運入者二百一十萬圓、運出者一百七十五萬圓、公帑所收二十四萬五千圓、出帑均同守兵一千一百、民壯四千五百、又北母他等洲、每年商利銀百一十二萬圓、運進之貨二百五十六萬圓、運出者十八萬九千圓、公帑收七萬圓、出七萬五千圓、兵士二百、民壯六百、此島

豐磽不一產白糖加非等。此藩屬地若無災難實海外最美之區英人派官管理此島白面人不多其黑面人則遍處散聚有耶穌之教師各處教之。又大尼荷蘭等國所據之洲甚微今不悉敘。

外國史畧巴他義尼地之南所稱火地之矮人悉缺食物終年冰雪由大西洋望大東洋所駛之各船隨所稱焉義蘭海峽往來風甚烈。○法蘭島英人據之以捕鯨魚海馬海牛天氣雖冷尚有牧場足養牲畜並出各項食物居民罕少再南則冰雪之地全無居人矣。

案承平既久人滿爲患奸宄日作財用匱乏一切便宜苟且比於剗肉醫瘡勢如養癰終必潰敗彼昏不知方藉口庶哉之歎生聚之謀而不知時勢迴殊後之轍非前之迹也歐羅巴人極意搜求新地得片土卽經營墾拓遂使萬古窮荒之僻島畢獻精華壯哉南極未開新地附錄

職方外紀曰先是閣龍諸人既已覓得南亞墨利加矣西土以西把尼亞之君復念地爲圓體徂西自可達東向至亞墨利加而海道遂阻必有西行入海之處於是

治海船選舟師裹餼糧裝金寶繕甲兵命一強有力之
臣名墨瓦蘭者載而往訪墨瓦蘭既承國命沿墨利加
之東偏紆迴數萬里展轉經年歲方茫然未識津涯人
情厭斁輒思返國墨瓦蘭懼功用弗成無以復命拔劍
下令舟中曰有言歸國者斬於是舟人震懼賈勇而前
已盡亞墨利加之界忽得海峽亘千餘里海南大地又
復恍一乾坤墨瓦蘭率眾巡行間關前進祇見平原滢
蕩杳無涯際入夜則燐火星流瀰漫山谷而已因命爲
火地而他方或以鸚鵡名洲者亦此大地之一隅其後

追厥所自謂墨瓦蘭實開此區因以其名命之曰墨瓦

蠟爲天下之第五大州也

四庫全書總目辨此云中國地數萬里爲一州此海峽僅

千餘里亦指爲一州豈非荒誕源案此書言過海峽後始見海南大地又恍一乾坤非卽以海峽爲一州也猶西洋來中國者必繞過大浪山海峽始至阿細亞洲非卽以大浪山峽爲州也海南大地據地球儀器考之亦必確有數萬里之地在南極左右但西人初至其地無人可訪又無暇周遠測量是以僅言其畧實無以海峽當一洲之說蓋西人書所謂峽者有三焉兩洲相接細地相連如西紅海之峽是也兩島中斷舟過其間如小瓜哇與下港之峽是也海岸斗出海中形如箕舌若南洋滿刺加南印度戈什峽小西洋大浪山之峽是也是峽於後二者必居其一墨瓦蘭旣踰此峽遂入太平洋大海自西復東業知大地已週其半竟直抵亞細亞馬路古界度小

西洋越利未亞大浪山而北折遵海以還報本國遍遶
大地一周四過赤道之下歷地三十萬餘里從古航海
之績未有若斯盛者因名其舟爲勝舶言戰勝風濤之
險而奏巡方偉功也其人物風俗山川畜產與夫鳥獸
蟲魚俱無傳說卽南度極數道里遠幾何皆推步未周
不敢漫述以俟後之君子

〔澳門新聞錄〕曰道光庚子有佛蘭西二船往南極考

察地方船主阿威厘統理之正月十九

卽十九年十
二月十五日

直至南極之六十六度遙望已見有地方第三日離

南極地不過五六里遂遣小船向無冰處登岸上拾取石塊地甚大一望無邊阿威里本欲細心考察第五日忽見離岸一帶皆已成冰不得已即回第六日忽遭暴風西厘船險幾撞破更不敢向南極駛去南極下地方寒冷可畏並不見有走獸等物即海驃亦不見一隻阿威厘今既考察出此地其名已列于本國行船之館矣

又云考察出南極地方之事始千米利堅船而佛蘭西人阿威厘今亦已考察至此于一千八百二十三

年有捕獲海驃之人名叻特厘會駕船駛至南極之七十四度併無險阻更爲溫煖于一千八百三十九年六月十九

即十九年五月初九日

阿威厘曾寫信與噶拉巴

之才藝館辨駁此事云叻特厘所說果真何不駕船

直向南極駛去阿威厘自言于二月十五

即十九年正月初二

日駛至紐耶蘭島同山威治島之間尙未到叻特厘

所說之處卽見有冰山阻其去路一望無邊欲尋一

縫隙前進亦不能得或者叻特厘到彼處時適值冰

山盡消故無阻碍得到七十四度亦未可定但每年

額連蘭島出海漁船不少豈無間遇冰消可至七十
四度者乎此阿威厘辨駁之語但以理度之愈近南
極天氣應愈溫煖何以反天寒冰大是天氣之冷煖
併不全係乎度數之遠近況船主巴里亦曾駕船到
過南邊七十五度之墨威厘島而船上之伙長人等
亦仍在船面行走二三點鐘之久始覺微寒而已是
巴里所到之處比叻特厘更近南極一度而天氣亦
不覺十分寒冷更見叻特厘所言之可信而阿威厘
天寒冰大之說可疑

案兩極下皆太陽行度所不到
皆冷帶也距熱帶溫帶甚遠是

冰阻無人物之說甚確而南極下溫暖之說全無此理

又云考察南極地方之事云有新回來之阿彌利堅

洲育奈士迭國溫先呢士船船主名威厘機士此船

離臚呢島已八十日正月十九即十九年十月十五日直駛至

南極之六十四度二十分見有地土此船曾繞着南

極海岸遊行七百里因離岸稍近常致擱淺常爲冰

山所環繞併歷暴風不少幸船未撞破現在帶有南

極地方之石回來有重至百餘磅者考察出此地雖

無益於貿易之事然可以釋眾人欲知南極有無地

土之疑心現在三船會合即要到紐耶蘭島去若幸得回紐耶蘭即在往南極考察

〔海島逸志〕曰和蘭欲胥南洋之地開擴州府以甲板船四各持三載糧從南海覓地方望南迅發窮極涯際不見島嶼經一年餘至昏黑之處雲霧繞船不辨天海毒魚怪鳥窺人不避日月無光晝短只二三時餘則長夜矣駭懼而返及至葛雷巴四舟僅存其二焉

〔每月統紀傳〕曰地球面上惟近中帶者最爲溫熱離

中帶偏南北兩邊皆有冬夏之別寒熱不等至更遠
離中帶兩邊則寒凍尤甚常有永不消之冰英佛等
國多有船到南北冰洋勘察新地因極南多過冰成
大山不無破船是以先未察悉去年有一船游奕南
洋露出一大洲在非利加及米利加二大洲之南見
有等島名爲大風此外無他生物亦無果蔬可食想
其地極寒恐種穀麥不生也

海國圖志目錄

卷七十一

南洋西洋各國教門表

卷七十二

中國西洋厯法異同表

卷七十三

中國西洋紀年通表

海國圖志卷七十一

表一

原無
今補

邵陽魏源譔

南洋西洋各國教門表

敘曰天祐下民作之君作之師君長一國一時師長數十國數百世故自東海以至西海自北極以至南極國萬數里億數人恒河沙數必皆有人焉魁之桀之綱之紀之離之合之語其縱則西域自佛未出世以前皆婆羅門教以事天治人爲本卽彼方之儒自佛教興而婆羅門教衰佛教衰而婆羅門教復盛一盛爲耶穌之天

主教再盛爲穆罕默德之天方教皆婆羅門之支變婆羅門教游方之內者也佛教游方之外者也語其橫則自中南東三印度而緬甸暹羅而西藏而青海漠南北蒙古皆佛教自西印度之包社阿丹而西之利未亞洲而東之蔥嶺左右哈薩克布魯特諸游牧而天山南路諸城郭皆天方教其大西洋之歐羅巴各國外大西洋之彌利堅洲各國則皆天主教與中國安南朝鮮日本之儒教離立而四語其支派則佛教分爲三一墨那敏教卽印度國舊教一名興杜教一大剌麻教卽西藏之黃教

一墨魯赫教卽西藏之紅教

一名墨低蘭教

天方回教分爲三

一由斯教卽婆羅門舊教一馬哈墨教卽穆罕默德所創行于阿丹者一比阿厘教則其兄子所傳行于巴社都魯機者天主教總名爲克力斯頓教亦分三一加特力教乃意大利亞所行天主舊教一額利教一波羅特士頓教則諸國所後起大都有不供他神而尙供天主偶像畫像及禮拜前賢生日者有一切不供惟敬天者有供十字者有不供十字者世傳西洋惟英吉利一國獨闢天主教不知英夷所闢者加特力教爾故英夷國

至將立則國人必會議約新王背加特力教而尊波羅
特土頓教始卽位英夷何嘗盡闢克力斯頓教哉又有
道教散處各國子身修鍊名巴柳士良教歐羅巴利未
亞洲皆有之特不及各教之紀年建朔云自道術分裂
儒分八墨分三釋道亦各分數支同中立異鬭諍堅固
于一教中且自相胡越況欲并包殊族泯其畛域會其
大同此必不然之數廣谷大川異俗民生其間剛柔輕
重遲速異齊皇清能并回部不能使天山南路舍回
教而被儒服能服番蒙不能使西藏漠北舍黃教而誦

六經、鄂羅斯、兼并西北、英吉利、蠶食東南、而不能使白帽、黃帽之方、盡奉天主、故曰因其教、不異其俗、齊其政、不易其宜、作南洋西洋各國教門表、

東南洋海岸之國

安南兼儒佛二教、今不列表、

暹羅

佛教

緬甸

佛教

南掌老撾、整線各國並同、

東南洋海島之國

日本琉球兼儒佛二教、今不列表、

小呂宋島

加特力教

舊本土番無教門、明以來西洋據此地行教、

大瓜哇島

即蘇祿文萊等

舊佛教、今回教

小瓜哇島

即葛留巴

舊佛教、今回教、

亞齊島

即蘇門答刺三佛齊

舊佛教、今回教、

餘小島無教門不錄、

西南洋五印度各國

西藏及蒙古皆刺麻黃教以非海國今不列表

東印度榜葛刺

墨那敏佛教

南印度孟邁等地

錫蘭山島同

墨那敏佛教

中印度溫都斯坦

墨那敏佛教

溫都斯坦今稱為小白頭

回子據此志
尚屬佛教

西印度包社

舊佛教、今比阿厘回教、

或曰即巴柳士良教

西印度阿丹 舊佛教今馬哈墨回教 由斯回教

北印度克什彌爾 舊佛教今馬哈墨回教

南都魯機兼有加特力教 舊佛教今阿比厘回教 由斯回教

此外若慈嶺以西之哈薩克布魯特巴達克山愛烏罕布哈爾敖罕慈嶺以東之八城回部自明以來并改佛教為馬哈墨回教以非海國不列表

小西洋利未亞洲各國利未亞洲亦有道士教見阿邁司尼國志

東方伊揖國國內兼有佛教 由教 額利教 加特力教

東方阿邁司尼國 由教 加特力教

東利未亞八部其六部屬葡萄亞教門未詳其二部屬阿丹馬哈墨回教

北利未亞四部

馬哈墨回教

西利未亞二十四部

小國土蠻祀鬼不知教門

南利未亞四部

小國土蠻祀鬼不知教門

中利未亞二十五部

馬哈墨回教

大西洋歐羅巴洲各國

歐羅巴亦有道士教原志未分析各國故不列家

葡萄牙國

加特力教

荷蘭國

婆羅特士頓教

彌爾尼王與荷蘭同國而別奉加特力教

佛蘭西國

加特力教

英吉利國

婆羅特士頓教

意大利國

加特力

耶馬尼國二十七部

半加特力教半
波羅特士頓教

歐塞特厘阿國

加特力教 婆羅特士頓教

塞牙里與阿國
亦兼有三教

波蘭國

加特力教

綏林國

婆羅特士頓教

領墨國

加特力教

瑞國

加特力教

普魯社國

或由教或魯低蘭教或特力教或婆羅特士頓

北都魯機國

阿比厘回教

北洋俄羅斯國各部

大俄羅斯十七部

額利教

西俄羅斯八部

額利教

東俄羅斯五部

額利教

小俄羅斯三部

額利教

南俄羅斯五部

額利教

加區俄羅斯四部

額利教

西南新藩俄羅斯五部

馬哈墨回教

本回部故地

東北新藩俄羅斯四部

刺麻佛教

近蒙古部落故

外大西洋墨利加洲各國

北洲彌利堅國二十七部

加特力教

婆羅特士頓

教

北洲智利國

加特力教

婆羅特士頓

教

其餘北洲內墨西哥等國南洲內孛露國金加西姆國伯西爾國智加國教門未詳

四洲志載加特力教萬有千六百萬入額利教七

千萬人婆羅特士頓教四千二百萬人由教約四

五萬人

亦作由斯教

馬哈墨教萬有二千萬人已柳士

良教七千三百萬人

即道士教

墨那敏教七千萬人大

刺麻教五千萬人墨魯赫教四千萬人共計各教

六萬七千一百萬人案克力斯頓乃西洋本教或

能悉其多寡至西藏蒙古之佛教新疆南路之回

教與各洲之道教英夷何由籍其人數耶又志中

惟克力斯頓教三派分載最詳至天方教則阿丹

志中既言回教中分爲二一曰色底特士教一曰

比阿厘教、阿厘者、穆罕默德兒子、傳教而小別其
宗、乃各國志中、但概稱馬哈默教、無一曰比阿厘
者、今惟巴社及都魯機、知其爲比阿厘回教、餘國
則亦無從區別、當俟質諸天方之士、

海國圖志卷七十二

表二

原本無
今補

邵陽魏源譔

中國西洋歷法異同表

敘曰西域歷法傳中國者唐有九執歷元有萬年歷回
回歷九執卽天竺歷法也天竺以望後一日至次月望
爲一月故有白半月黑半月之名今西夷歐羅巴洲及
彌利堅州各國歷法則與天竺異而與回回歷略同皆
以中國冬至後十日爲元旦蓋取太陽過宮最卑行最
疾之日爲贏縮起算之端與中國冬至太陽在赤道最

南之日者殊科然太陽之有南北寒暑所由生也耕歛所由節也是爲欽若授時之本必當顯然布告非若羸縮之事特臺官逐日推算以定二十四氣七十二候及晦朔弦望交食之時刻百姓則可日用而不知也且最卑有行分約六十年行一度卽差一日其始年在中國冬至前二十日約計道光五十年後卽在冬至後十一日再積三千餘年以中國春分日爲元旦矣萬年而後元旦將在炎夏矣中國與歐羅巴同在赤道以北中國以太陽在赤道最南晝極短夜極長之日爲冬至冬日

太陽在赤道南則斜照中國故恒寒夏日太陽在赤道北則正照中國故恒暑以此節耕歛頒政事奚不可行于歐羅巴乃不以寒暑爲歲時不與物候民事相關應何哉或謂中土居國也囿於一方獨成其是西夷行國也日航大海繞地一周舟行日日千餘里無庸候風三日可更裘葛今日至一地而省民耕明日至一地卽省民歛不必以寒暑爲歲時此沉溺西法曲徇之論夫西農各耕本國不隨市舶爲遷移西商遄驚重溟何預耕歛之省視豈有人君頒歷不據本國之時令而任無定

之舟航 國朝曾取其人供職欽天監考制儀器而
不用其歷法蓋知其與民事無涉也今華夷通市正朔
相通姑表其異同以便稽覽其法足三百六十有五
日爲一年每四年于三月內閏一日其各月內大小日數
則正月三月五月七月八月十月十二月各三十有一
日四月六月九月十一月各三十日惟二月止二十有
八日

今表兩年爲例如左

道光十八年戊戌

西曆一千八百
二十八年

道光十九年己亥

西曆一千八百
二十九年

正月小建甲寅

西夷正月日
然收阿厘

正月小建丙寅

初一日

西夷正月
二十六日

初一日

西夷二月
十四日

初六日

西夷正月
三十一日

十一日

西夷二月
二十四日

十一日

西夷二月
初五日

十五日

西夷二月
十八日月盡

二十一日

西夷二月
十五日

二十一日

西夷三月
初六日

二月大建乙卯

西夷二月日
飛普阿厘

二月大建丁卯

初一日

西夷二月
二十四日

初一日

西夷三月
十五日

初五日

西夷二月
十八日月盡

十一日

西夷三月
二十五日

十二日

西夷三月
初六日

十七日

西夷三月
十一日月盡

二十二日 西夷三月十六日

二十一日 西夷四月初四日

三月小建丙辰 西夷三月日嗎洛

三月小建戊辰

初一日 西夷三月二十六日

初一日 西夷四月十四日

初六日 西夷三月三十一日 月盡

十一日 西夷四月二十四日

十一日 西夷四月初五日

十七日 西夷四月三十一日 月盡

二十一日 西夷四月十五日

二十一日 西夷五月初四日

四月大建丁巳 西夷四月日族悖厘爾

四月小建己巳

初一日 西夷四月二十四日

初一日 西夷五月十三日

初七日 西夷四月三十日 月盡

十一日 西夷五月二十三日

十一日

西夷五月
初四日

十九日

西夷五月三
十一日月盡

二十一日

西夷五月
十四日

二十一日

西夷六月
初二日

閏四月小

五月大建庚午

初一日

西夷五月
二十四日

初一日

西夷六月
十一日

初八日

西夷五月三
十一日月盡

十一日

西夷六月
二十一日

十一日

西夷六月
初三日

二十日

西夷六月三
十日月盡

二十一日

西夷六月
十三日

二十一日

西夷七月
初一日

五月小建戊午

西夷五
月日咩

六月小建辛未

初一日

西夷六月
二十二日

初一日

西夷七月
十一日

海國圖志

卷七十二

歷法異同表

四

初九日

西夷六月三十日
月盡

十一日

西夷七月二十一日

十一日

西夷七月初二日

二十一日

西夷七月三十一日
月盡

二十一日

西夷七月十二日

七月大建壬申

六月大建己未

西夷六月日潤

初一日

西夷八月初九日

初一日

西夷七月初一日

十一日

西夷八月十九日

十一日

西夷七月三十一日
月盡

二十一日

西夷八月二十九日

二十一日

西夷八月初十日

二十三日

西夷八月三十一日
月盡

七月大建庚申

西夷七月日如來

八月小建癸酉

初一日

西夷八月初十日

初一日

西夷九月初八日

十一日 西夷八月三十日

十一日 西夷九月十八日

十二日 西夷八月三十一日 月盡

二十一日 西夷九月二十八日

三十一日 西夷九月九日 月盡

二十三日 西夷九月三十日 月盡

八月小建辛酉 西夷八月九日 阿兀士

九月大建甲戌

初一日 西夷九月十九日

初一日 西夷十月十七日

十一日 西夷九月二十九日

十一日 西夷十月十七日

十二日 西夷九月三十日 月盡

二十一日 西夷十月二十七日

三十一日 西夷十月九日

二十五日 西夷十月三十一日 月盡

九月大建壬戌 西夷九月九日 涉點麻

十月大建乙亥

初一日

西夷十月十八日

初一日

西夷十一月初六日

十一日

西夷十月十八日

十一日

西夷十一月十六日

十四日

西夷十月三十一日

二十一日

西夷十一月二十六日

三十一日

西夷十一月初七日

二十五日

西夷十一月三十日

十月大建癸亥

西夷十月多屋麻

十月大建丙子

是月十七日已酉戌刻冬至

初一日

西夷十一月十七日

初一日

西夷十二月初六日

十一日

西夷十一月十七日

十一日

西夷十二月十六日

十四日

西夷十一月三十日

二十一日

西夷十二月二十六日

三十一日

西夷十二月初七日

二十六日

西夷十二月三十一日歲終

十一月小建丙子

是月初六日甲辰未刻冬至○南大十一月日終辰

二十七日

西夷一千八百四十年正月初一日

初一日

西夷十二月十七日

十二月小建丁丑

十一日

西夷十二月十七日

初一日

西夷正月十五日

十五日

西夷十二月三十日歲終

十一日

西夷正月十五日

十六日

西夷一千八百三十九年正月初一日

二十一日

西夷正月二十五日

二十一日

西夷正月初六日

二十七日

西夷正月三十一日月盡

十二月大建乙丑

西夷十二月一日厘森歷

初一日

西夷正月十五日

十一日

西夷正月二十五日

十七日 西夷正月三十日

二十一 西夷二月

道光二十年庚子 西夷一千八百四十年二月逢閏一月

正月大建戊寅

七月小建甲申

初一日 西夷二月

初一日 西夷七月二十九日

十一日 西夷二月

初三日 西夷七月三十日

二十一 西夷二月

十一日 西夷八月

二十七 西夷二月二十九日

二十一日 西夷八月十八日

二月小建己卯

八月大建乙酉

初一日 西夷三月
初四日

初一日 西夷八月
二十七日

十一日 西夷三月
十四日

初五日 西夷八月
十一日 月盡

二十一日 西夷三月
二十四日

十一日 西夷九月
初六日

二十八日 西夷三月
三十一日 月盡

二十一日 西夷九月
十六日

三月大建庚辰

九月小建丙戌

初一日 西夷四月
初二日

初一日 西夷九月
二十六日

十一日 西夷四月
十二日

初五日 西夷九月
十日 月盡

二十一日 西夷四月
二十二日

十五日 西夷十月
初六日

二十九日 西夷四月
三十日 月盡

二十一日 西夷十月
十六日

四月小建辛巳

十月大建丁亥

初一日

西夷五月
初二日

初一日

西夷十月
二十五日

十一日

西夷五月
十二日

初七日

西夷十月
十一日
月盡

二十一日

西夷五月
二十二日

十一日

西夷十一月
月初四日

五月小建壬午

二十一日

西夷十一月
月十四日

初一日

西夷五月
三十一日
月盡

十月大建戊子

曆三十日
月盡

十一日

西夷六月
初十日

初一日

西夷十一月
二十四日

三十一日

西夷六月
二十日

初七日

西夷十一月
三十日
月盡

六月大建癸未

十一日

西夷十二月
月初四日

初一日 西夷六月二十九日

二十一日 西夷十二月十四日

初二日 西夷六月三十日

十二月大建己丑

十一日 西夷七月九日

初一日 西夷十二月二十四日

二十一日 西夷七月十九日

初八日 西夷十二月三十一日歲終

初九日 西夷二千八百四十一年正月初一日

十一日 西夷正月三日

二十一日 西夷正月十三日

三十日 西夷正月二十二日

鳥程陳杰曰西法云足三百六十五日為一年四年閏
一日恐亦言其略耳蓋如其言推之每年歲實適合三

百六十五日四分日之一中國漢賈逵四分法也西洋
有太史第谷定爲三百六十五日二四二一八七五用
此數推之每一百二十八年閏三十一日則差一日矣
四年閏一日則一百二十八閏三十二日又最卑
有行分不及六十年卽行一度又應閏一日最卑之行
古小今大約略計之一百二十八閏三十三日一千八百
瑞西法當以百二十八閏三十三日一千八百
十年應閏四百七十四日乃以三百六十五日與一千
八百四十年相乘得六十七萬一千六百日加四百七
十四日得六十七萬二千零七十四日是自英國奉耶
蘇教之年之元旦日起至其第一千八百四十一年之
元旦前一日止之日數也其第一千八百四十一年之
元旦前一日爲我中國道光二十年庚子十二月初八
日甲子日以中國歷朝歲實遞有增減約略計之道光
二十一年辛丑年前冬至日上距漢平帝元始元年
前冬至日得六十七萬二千零五十日兩數相減餘二
十四日再減去十二月初八日係在冬至後九日餘十
五日是奉耶穌教之年之元旦日在漢平帝元始元年

年前冬至之前僅十五日耳惟中國于太陽最卑至元
郭守敬始發之尙未知有行分至明季始知有行分我
朝康熙乾隆年間兩改其行漢晉唐宋實不可攷則當
兩漢之末哀平之年或在冬至前二十餘日亦未可知
梅文鼎據康熙戊辰臆禮單算得耶穌降生在哀帝庚
申年冬至前二十餘日竊疑是日爲奉耶穌教始年之
元旦日非耶穌天主降生之日也又曰哀帝元壽二年
庚申十一月之冬至距唐高祖武德元年戊寅年前之
冬至六百一十七年再距宋太祖建隆元年庚申年前
之冬至又三百四十二年再距元世祖至元年七年庚
辰年前之冬至又三百二十年再距明太祖洪武元年
戊申年前之冬至又八十八年再距順治元年甲申年前
之冬至二百七十六年再距道光二十一年辛丑年前
之冬至一百九十七年通計自漢哀帝元壽二年庚申
十一月冬至起至道光二十年庚子十一月二十九日
乙卯冬至日止凡一千八百四十年約計六十七萬二
千零五十日以現行歲差及今道光二十一年前冬至
日冬至時在箕初度五十六分計之漢哀帝元壽二年

海國圖志卷之二十二
庚申十一月冬至日在斗十八度又今最舉過冬至十
度十分漢哀平之交應在冬至前二十度三十分英夷
當于冬至前二
十一日除歲

附天竺回回厯法考

俞正燮曰釋迦文佛之生也以中土二月既望爲角宿
直日數至鬼宿直日當中土三月八日卽佛生日若以
厯法言之則當日春分後二十三日佛生也佛本行集
經上記兜率品俯降王宮品並云取鬼宿日然後入於
母胎迦葉三兄弟品云此沙門鬼宿日生今鬼宿明不
爲餘星所逼其龍門決勝此旁出之言並可爲確徵佛

國月日與中土不同以宿直日眞佛日也若樹下誕生
品云春初二月八日鬼宿合時生過去現在因果經云
二月八日生四月七日降魔瑞應經云四月八日夜明
星出時生其佛羅安國渤泥國或以爲六月十五日佛
生佛西土人安得以中憲論月日哉佛說灌佛經四月
八日以期灌佛摩訶漆頭經佛告天下人民十方諸佛
皆用四月八日夜半時生爲春夏之際殃罪悉畢萬物
發生毒氣未形不寒不熱時氣和適以今爲佛生日又
漢末交州牟子博理惑論佛四月八日生孟夏之月仲

呂之時此並中土之妄言或宏明集所附益也佛所行
讚則云三月八日生元李耕日聞錄云元初杭城每歲
三月八日迎佛或新至番僧猶有所受唐元奘西域記
佛國云菩薩誕靈以舍佉月後半八日藍摩國剃髮
窣堵波云佛以吠舍佉月後半八日出家摩揭陀國菩提
樹東北人云佛以吠舍佉月後半八日生成等正覺此
並三月八日之明徵惟加毘羅代窣堵國云菩薩降神
母胎當此中土五月十五日諸部則以此月二十三
日夜降母胎當此五日八日此並指其入胎之時非出胎

時佛國上座部云菩薩誕靈吠舍佉月後半十五日此則一以爲佛生三月十五日小有不同晉法顯傳云舍衛城年年常以建卯月八日行像于闐國四月一日至十四日行像西域記又云屈支以秋分行像是西土作佛事月日無有言佛以巳月八日生者長阿舍經阿闍世王二月八日沸星出時佛生二月八日沸星出時出家二月八日沸星出時成道八月八日沸星出時取般涅槃無垢施菩薩分別應辨經音義云依諸經言佛以鬼宿日生成道出家皆用二月八日鬼宿合時依日藏

分經用二月九日曙以夜分屬九日故遼史禮志云二月八日爲悉達太子生辰金史海陵紀云正隆元年十一月癸巳禁二月八日迎佛其致誤有由經云二月後半八日者佛國以中國望後一日至中國次月望爲彼土一月開元占經有九執法唐僧瞿曇悉達治唐憲以明慶二年二月一日起算唐志云開元二年誤其本術則云白博父二月春分朔於是曜躔婁以起算然則春分本中法二月中鬼宿當春分起算角直之二十三日合白黑博父言月自望至望白半月黑半月則鬼直爲後半八日謂黑博父之第八日節氣

中氣不能齊則當朔望範之取一歲之第一鬼宿日就西法以春分言由中法二月十六日起角直數之則西域記所稱佛國吠舍佉月後半八日生者於諸說中爲獨合佛本行經佛苦行六年二月十六日善生村主二女作糜至二十三日供佛十五日爲一半則二十三日是後半八日也分別應辨音義言二月八日者在西土一月之後半當屬西土之二月而譯者以中土二月當之名差半月實差一月是說也吾思之十年讀開元占經而始知之

源案俞氏考佛生年甚舛而考佛生日則是故分別存之

附明史回回歷論回回歷法西域默狄納國王馬哈麻所作其地北極高二十四度半經度偏西一百零七度約在雲南西八千八百餘里其歷元用隋開皇己未卽其建國之年也洪武初得其書于元都十五年秋太祖謂西域推測天象最精其五星緯度又中國所無命翰林李翀吳伯宗同回回大師馬沙亦黑等譯其書其法不用閏月以三百六十五日爲一歲歲十二宮宮有閏日凡百二十八年而宮閏三十一日以三百五十四日爲一周周十二月月有閏日凡三十年月閏十一日歷

千九百四十一年宮月日辰再會此其立法之大概也
按西域歷術見於史者在唐有九執歷元有札馬魯丁
之萬年歷九執歷最疎萬年歷行之未久惟回回歷設
科隸欽天監與大統參用二百七十餘年雖干交食之
有無深淺時有出入然勝于九執萬年遠矣但其書多
脫誤蓋其人之隸籍臺官者類以土盤布算仍用其本
國之書而明之習其術者如唐順之陳瓌袁黃輩之所
論著又自成一家言以故翻譯之本不行於世其缺殘
宜也今爲博訪專門之裔攷究其原書以補其脫落正

其訛舛爲回回曆法著於篇

案默狄納卽默德那之音轉

海國圖志卷七十三

表三

原無
今補

邵陽魏

中國西洋紀年通表

敘曰自生民以來際天所覆大一統之國惟中國萬里
一朔故正繫王王繫春以時改元紀號整齊天下編垂
史冊各不相襲此外九夷八荒自爲風氣則皆各君其
國各子其民矣苟各自爲朔將棼然雜出奚從綱紀條
貫矣故印度西藏蒙古則以佛涅槃之歲後紀年蔥嶺
東西各回部則以天方穆罕默德辭世之歲紀年大小

西洋及外大西洋則皆以天主耶穌降生之後紀年皆合數百十國數萬里爲一教正朔不係君而係師豈得已哉隋書經籍志言佛說滅度以後正法五百年象法一千年末法三千年耶穌生漢哀帝元壽間上距周莊王十年恒星不見佛生閱八十歲涅槃當周匡王六年凡六百有二歲而天主耶穌生力距佛教此正法五百餘年之應漢元壽下距開皇十四年回教穆罕默德辭世之歲共五百九十四年內除其生世數十載正五百餘年驪僧毀寺變西北諸印度爲回教此像法千年之

應是則自周至漢至隋佛教東流而天主與天方迭據印度代興持世入主出奴各乘氣數皆懸記乎千載之前而符合乎千載以下天時人事有開必先不翅五德迭王文質遞尙焉而近日黠縣俞正燮作釋迦文佛生日論獨謂佛生於漢成帝元延元年四月丁丑拂星四面下至地之日與耶穌同時至隋世回教興始爲正法五百之歲由其說則佛生距漢明帝永平三年感夢之時僅七十二歲是佛與明帝同時遽已名聞漢廷光徵帝夢而白馬駝經之使竟當親覲金容面聆口授乎俞

氏于漢永平之夢則欲滅佛壽爲六十七歲以就之

以明

帝永平八夢必在佛滅後故于像法千年又以旃檀像至宋太平興

國始移東都當之

不以其離西土之歲而以其在中土遷移之歲則此像至今尙存燕京旃

檀寺不將謂像法二千年即俞氏以佛授記旃檀像于佛滅度千年後像往震旦即使果如所論而旃檀佛像以梁天監十年四月五日至揚都距周匡王六年佛滅度時千有百載亦正合千年之識若佛滅于漢章帝時則至梁天監僅四百餘年耳佛滅四百載旃檀像已離西竺適中土安得謂西方像法垂千年乎辨證

彌勒踏盤彌遠天方教闢佛天主教豈不闢佛乃以正

法之替獨歸之回教乎計道光二十有二年距周匡王

五載佛滅度之歲凡二千有四百四十四年距漢元壽

初天主耶穌降生之歲千有八百四十二年距隋開皇十四載回教主辭世日千有二百五十年今列西洋年表而以回教佛教年歲綴其後

中國西洋紀年通表

漢哀帝元壽二年庚申冬至西洋耶穌降生

上距周歷至五年佛
以癸亥歲為元年

漢平帝元始元年

凡五年

西洋耶穌第一年

漢孺子嬰居攝元年

凡三年

西洋耶穌六年

新莽始建國元年

凡五年

西洋耶穌九年

新莽天鳳元年

凡六年

西洋耶穌十四年

新莽地皇元年

凡三年

西洋耶穌二十年

漢更始元年

凡二年

西洋耶穌二十三年

漢光武帝建武元年

凡三十一年

西洋耶穌三十五年

案耶穌三十歲即遭難以後稱西洋

漢光武帝中元元年

凡二年

西洋五十六年

漢孝帝永平元年

凡十八年

西洋五十八年

漢孝章帝建初元年

凡八年

西洋七十六年

漢孝章帝元和元年

凡三年

西洋八十四年

漢孝章帝章和元年

凡二年

西洋八十七年

漢孝和帝永元元年

凡十六年

西洋八十九年

漢孝和帝元興元年

凡一年

西洋百有五年

漢孝殤帝延平元年

凡一年

西洋百有六年

漢孝安帝永初元年

凡七年

西洋百有七年

漢孝安帝元初元年

凡六年

西洋百十四年

漢孝安帝永寧元年

凡一年

西洋百二十年

漢孝安帝建光元年

凡一年

西洋百二十一年

漢孝安帝延光元年

凡四年

西洋百二十二年

漢孝順帝永建元年

凡六年

西洋百二十六年

漢孝順帝陽嘉元年

凡四年

西洋百三十二年

漢孝順帝永和元年

凡六年

西洋百三十六年

漢孝順帝漢安元年

凡二年

西洋百四十二年

漢孝順帝建康元年

凡一年

西洋百四十四年

漢孝中帝永嘉元年

凡一年

西洋百四十五年

漢孝質帝本初元年

凡一年

西洋百四十六年

漢孝桓帝建和元年

凡三年

西洋百四十七年

漢孝桓帝和平元年

凡一年

西洋百五十年

漢孝桓帝元嘉元年

凡二年

西洋百五十一年

漢孝桓帝永興元年

凡二年

西洋百五十三年

漢孝桓帝永熹元年

凡三年

西洋百五十五年

漢孝桓帝延熹元年

凡九年

西洋百五十八年

漢孝桓帝永康元年

凡一年

西洋百六十七年

漢孝靈帝建甯元年

凡四年

西洋百六十八年

漢孝靈帝熹平元年

凡六年

西洋百七十二年

漢孝靈帝光和元年

凡六年

西洋百七十八年

漢孝靈帝中平元年

凡六年

西洋百八十四年

漢孝獻帝初平元年

凡四年

西洋百九十年

漢孝獻帝興平元年

凡二年

西洋百九十四年

漢孝獻帝建安元年

凡二十五年

西洋百九十六年

漢昭烈帝章武元年

凡二十二年

西洋二百二十一年

漢後主建興元年

凡十五年

西洋二百二十三年

漢後主延熙元年

凡二十年

西洋二百三十八年

漢後主景耀元年

凡五年

西洋二百五十八年

漢後主炎興元年

凡一年

西洋二百六十三年

魏元帝咸熙元年

凡一年

西洋二百六十四年

晉武帝泰始元年

凡十年

西洋二百六十五年

晉武帝咸甯元年

凡五年

西洋二百七十五年

晉武帝太康元年

凡十年

西洋二百八十年

晉武帝太熙元年

凡一年

西洋二百九十年

晉孝惠帝元康元年

凡九年

西洋二百九十一年

晉孝惠帝永康元年

凡一年

西洋三百年

晉孝惠帝永甯元年

凡一年

西洋三百有一年

晉孝惠帝泰安元年

凡二年

西洋三百有二年

晉孝惠帝永興元年

凡二年

西洋三百有四年

晉孝惠帝光熙元年

凡一年

西洋三百有六年

晉孝懷帝永嘉元年

凡六年

西洋三百有七年

晉孝愍帝建興元年

凡四年

西洋三百十三年

晉元帝建武元年

凡一年

西洋三百十七年

晉元帝太興元年

凡四年

西洋三百十八年

晉元帝永昌元年

凡一年

西洋三百二十二年

晉明帝太甯元年

凡三年

西洋三百二十三年

晉成帝咸和元年

凡九年

西洋三百二十六年

晉成帝咸康元年

凡八年

西洋三百三十五年

晉康帝建元元年

凡二年

西洋三百四十三年

晉穆帝永和元年

凡十二年

西洋三百四十五年

晉穆帝升平元年

凡五年

西洋三百五十七年

晉哀帝隆和元年

凡一年

西洋三百六十二年

晉哀帝興甯元年

凡三年

西洋三百六十三年

晉帝奕太和元年

凡五年

西洋三百六十六年

晉簡文帝咸安元年

凡二年

西洋三百七十一年

晉孝武帝甯康元年

凡三年

西洋三百七十三年

晉孝武帝太元元年

凡二十一年

西洋三百七十六年

晉孝帝隆安元年

凡五年

西洋三百九十七年

晉安帝元興元年

凡三年

西洋四百有二年

晉安帝義熙元年

凡十四年

西洋四百有五年

晉恭帝元熙元年

凡一年

西洋四百十九年

宋武帝永初元年

凡三年

西洋四百二十年

宋榮陽王景平元年

凡一年

西洋四百二十三年

宋文帝元嘉元年

凡三十年

西洋四百二十四年

宋孝武帝孝建元年

凡三年

西洋四百五十四年

宋孝武帝大明元年

凡八年

西洋四百五十七年

宋明帝泰始元年

凡七年

西洋四百六十五年

宋明帝泰豫元年

凡一年

西洋四百七十二年

宋主昱元徽元年

凡四年

西洋四百七十三年

宋順帝昇明元年

凡二年

西洋四百七十七年

齊高帝建元元年

凡四年

西洋四百七十九年

齊武帝永明元年

凡十一年

西洋四百八十三年

齊明帝建武元年

凡四年

西洋四百九十四年

齊明帝永泰元年

凡一年

西洋四百九十八年

齊主寶卷永元元年

凡二年

西洋四百九十九年

齊和帝中興元年

凡一年

西洋五百有一年

梁武帝天監元年

凡十八年

西洋五百有二年

梁武帝晉通元年

凡七年

西洋五百二十年

梁武帝大通元年

凡二年

西洋五百二十七年

梁武帝中大通元年

凡六年

西洋五百二十九年

梁武帝大同元年

凡十年

西洋五百三十五年

梁武帝中大同元年

凡一年

西洋五百四十六年

梁武帝太清元年

凡三年

西洋五百四十七年

梁簡文帝大寶元年

凡二年

西洋五百五十年

梁孝元帝承聖元年

凡三年

西洋五百五十二年

梁敬帝紹泰元年

凡一年

西洋五百五十五年

梁敬帝太平元年

凡一年

西洋五百五十六年

陳武帝永定元年

凡三年

西洋五百五十七年

陳文帝天嘉元年

凡六年

西洋五百六十年

陳文帝天康元年

凡一年

西洋五百六十六年

陳主伯宗光大元年

凡二年

西洋五百六十七年

陳宣帝大建元年

凡十二年

西洋五百六十九年

隋文帝開皇元年

凡二十一年

西洋五百八十一年

隋文帝開皇十四年

回教始祖辭世之年

隋文帝仁壽元年

凡四十年

西洋六百有一年

隋煬帝大業元年

凡十二年

西洋六百有五年

隋恭帝義甯元年

凡一年

西洋六百十七年

唐高祖武德元年

凡九年

西洋六百十八年

唐太宗貞觀元年

凡二十三年

西洋六百二十七年

唐高宗永徽元年

凡六年

西洋六百五十年

唐高宗顯慶元年

凡五年

西洋六百五十六年

唐高宗龍朔元年

凡三年

西洋六百六十一年

唐高宗麟德元年

凡二年

西洋六百六十四年

唐高宗乾封元年

凡二年

西洋六百六十六年

唐高宗總章元年

凡二年

西洋六百六十八年

唐高宗咸亨元年

凡四年

西洋六百七十年

唐高宗上元元年

凡二年

西洋六百七十四年

唐高宗儀鳳元年

凡三年

西洋六百七十六年

唐高宗調露元年

凡一年

西洋六百七十九年

唐高宗永隆元年

凡一年

西洋六百八十年

唐高宗開耀元年

凡一年

西洋六百八十一年

唐高宗永淳元年

凡一年

西洋六百八十二年

唐高宗宏道元年

凡一年

西洋六百八十三年

唐中宗嗣聖元年

凡一

西洋六百八十四年

唐武后則天

凡二

西洋六百八十五年

唐中宗神龍元年

凡二

西洋七百有五年

唐中宗景龍元年

凡三

西洋七百有七年

唐睿宗景雲元年

凡二

西洋七百十年

唐睿宗太極元年

凡一

西洋七百十二年

唐明皇帝開元元年

凡二十

西洋七百十三年

唐明皇帝天寶元年

凡二十四

西洋七百三十二年

唐肅宗至德元年

凡二

西洋七百五十六年

唐肅宗乾元元年

凡三年

西洋七百五十八年

唐肅宗上元元年

凡二年

西洋七百六十年

唐肅宗寶應元年

凡一年

西洋七百六十二年

唐代宗廣德元年

凡一年

西洋七百六十三年

唐代宗永泰元年

凡二年

西洋七百六十四年

唐代宗大歷元年

凡十四年

西洋七百六十六年

唐德宗建中元年

凡四年

西洋七百八十年

唐德宗興元元年

凡一年

西洋七百八十四年

唐德宗貞元元年

凡二十年

西洋七百八十五年

唐順宗永貞元年

凡一年

西洋八百有五年

唐憲宗元和元年

凡五年

西洋八百有六年

唐穆宗長慶元年

凡四年

西洋八百二十一年

唐敬宗寶曆元年

凡二年

西洋八百二十五年

唐文宗太和元年

凡九年

西洋八百二十七年

唐文宗開成元年

凡五年

西洋八百三十六年

唐武宗會昌元年

凡六年

西洋八百四十一年

唐宣宗大中元年

凡十三年

西洋八百四十七年

唐懿宗咸通元年

凡十四年

西洋八百六十年

唐僖宗乾符元年

凡六年

西洋八百七十四年

唐僖宗廣明元年

凡一年

西洋八百八十年

唐僖宗中和元年

凡四年

西洋八百八十一年

唐僖宗光啟元年

凡三年

西洋八百八十五年

唐僖宗文德元年

凡一年

西洋八百八十八年

唐昭宗龍紀元年

凡一年

西洋八百八十九年

唐昭宗大順元年

凡二年

西洋八百九十年

唐昭宗景福元年

凡二年

西洋八百九十二年

唐昭宗乾甯元年

凡四年

西洋八百九十四年

唐昭宗光化元年凡三年西洋八百九十八年

唐昭宗天復元年凡三年西洋九百有一年

唐昭宗天佑元年凡三年西洋九百有四年

梁太祖開平元年凡四年西洋九百有七年

梁太祖乾化元年凡二年西洋九百十一年

梁主瑱乾化元年凡二年西洋九百十三年

梁主瑱貞明元年凡六年西洋九百十五年

梁主瑱龍德元年凡二年西洋九百二十一年

後唐莊宗周光元年凡三年西洋九百二十三年

後唐明宗天成元年

凡四年

西洋九百二十六年

後唐明宗長興元年

凡四年

西洋九百三十年

後唐潞王清泰元年

凡二年

西洋九百三十四年

後晉高祖天福元年

凡八年

西洋九百三十六年

晉主重貴開運元年

凡三年

西洋九百四十四年

後漢高祖

十二年

凡一年

西洋九百四十七年

後漢隱帝乾祐元年

凡三年

西洋九百四十八年

後周太祖廣順元年

凡三年

西洋九百五十一年

後周世宗顯德元年

凡六年

西洋九百五十四年

宋太祖建隆元年

凡四年

西洋九百六十年

宋太祖乾德元年

凡四年

西洋九百六十四年

宋太祖開寶元年

凡八年

西洋九百六十八年

宋太宗太平興國元年

凡六年

西洋九百七十六年

宋太宗雍熙元年

凡四年

西洋九百八十四年

宋太宗端拱元年

凡二年

西洋九百八十八年

宋太宗淳化元年

凡五年

西洋九百九十年

宋太宗至道元年

凡三年

西洋九百九十五年

宋真宗咸平元年

凡六年

西洋九百九十八年

宋真宗景德元年

凡四年

西洋千有四年

宋真宗大中祥符元年

凡九年

西洋千有八年

宋真宗天禧元年

凡五年

西洋千有十七年

宋真宗乾興元年

凡一年

西洋千二十二

宋仁宗天聖元年

凡九年

西洋千二十三

宋仁宗明道元年

凡二年

西洋千三十二

宋仁宗景祐元年

凡四年

西洋千三十四

宋仁宗寶元元年

凡二年

西洋千三十八

宋仁宗康定元年

凡一年

西洋千四十

宋仁宗慶厯元年

凡八年

西洋千四十一年

宋仁宗皇祐元年

凡五年

西洋千四十九年

宋仁宗至和元年

凡二年

西洋千五十四年

宋仁宗嘉祐元年

凡八年

西洋千五十六年

宋英宗治平元年

凡四年

西洋千六十四年

宋神宗熙寧元年

凡十年

西洋千六十八年

宋神宗元豐元年

凡八年

西洋千七十八年

宋哲宗元祐元年

凡八年

西洋千八十六年

宋哲宗紹聖元年

凡四年

西洋千九十四年

宋哲宗元符元年

凡三年

西洋千九十八年

宋徽宗

建中靖國

元年

凡一年

西洋千有百一年

宋徽宗崇寧元年

凡五年

西洋千有百二年

宋徽宗大觀元年

凡四年

西洋千有百七年

宋徽宗政和元年

凡七年

西洋千有百十一年

宋徽宗重和元年

凡一年

西洋千有百十八年

宋徽宗宣和元年

凡七年

西洋千有百十九年

宋欽宗靖康元年

凡一年

西洋千有百二十六年

宋欽宗建炎元年

凡四年

西洋千有百二十七年

宋宗紹興元年凡三十三年西洋千有百三十二年

宋宗隆興元年凡二十二年西洋千有百六十三年

宋宗乾道元年凡十九年西洋千有百六十五年

宋宗淳熙元年凡十六年西洋千有百七十四年

宋宗紹熙元年凡十五年西洋千有百九十年

宋甯宗慶元元年凡十六年西洋千有百九十五年

宋甯宗嘉泰元年凡四年西洋千二百有一年

宋甯宗開禧元年凡三年。是歲蒙古兵入。宋帝被殺。西洋千二百有五年

宋甯宗嘉定元年凡十七年西洋千二百有八年

宋理宗寶慶元年

凡三年其三年元太祖祖

西洋千二百二十五年

宋理宗紹定元年

凡六年。是歲蒙古太宗立

西洋千二百二十八年

宋理宗端平元年

凡三年。是歲金亡

西洋千二百三十四年

宋理宗嘉熙元年

凡四年

西洋千二百三十七年

宋理宗淳祐元年

凡十二年蒙古太宗祖其五年定宗始立前三年廢又三年憲宗始立

西洋千二百四十一年

宋理宗寶祐元年

凡六年

西洋千二百五十三年

宋理宗開慶元年

凡一年。是歲蒙古憲宗祖

西洋千二百五十九年

宋理宗景定元年

凡五年。是歲蒙古世祖中統元年

西洋千二百六十年

宋理宗景定五年

凡三十二年。是歲蒙古世祖至元元年

西洋千二百六十四年

宋度宗咸淳元年

宋度宗咸淳七年庚子
古始定國號曰元

西洋千二百六十五年

宋帝顯德祐元年

凡一年

西洋千二百七十五年

元世祖至元十二年

凡二年

西洋千二百七十六年

宋端宗景炎元年

凡一年

西洋千二百七十六年

元世祖至元十二年

凡二年

西洋千二百七十六年

元世祖至元十五年

凡三十三年

西洋千二百七十八年

元成宗元貞元年

凡二年

西洋千二百九十五年

元成宗大德元年

凡十一年

西洋千二百九十七年

元武宗至大元年

凡四年

西洋千三百有八年

元仁宗皇慶元年

凡二年

西洋千三百一十二年

元仁宗延祐元年

凡七年

西洋千三百一十四年

元英宗至治元年

凡三年

西洋千三百二十一年

元泰定帝泰定元年

凡四年

西洋千三百二十四年

元文宗天歷元年

凡二年

西洋千三百二十八年

元文宗致順元年

凡三年

西洋千三百三十年

元順帝元統元年

凡二年

西洋千三百三十三年

元順帝至元元年

凡六年

西洋千三百三十五年

元順帝至正元年

凡二十七年

西洋千三百四十一年

明太祖洪武元年

凡三十年

西洋千三百六十八年

明惠帝建文五年

凡五年

西洋千三百九十八年

海國圖志

卷七十三

西洋紀年通表

七

明成祖永樂元年

凡二十年

西洋千四百有三年

明仁宗洪熙元年

凡一年

西洋千四百二十五年

明宣宗宣德元年

凡十年

西洋千四百二十六年

明英宗正統元年

凡十四年

西洋千四百三十六年

明景帝景泰元年

凡七年

西洋千四百五十年

明英宗復位天順元年

凡八年

西洋千四百五十七年

明憲宗成化元年

凡二十三年

西洋千四百六十五年

明孝宗宏治元年

凡十八年

西洋千四百八十八年

明武宗正德元年

凡十六年

西洋千五百有六年

明世宗嘉靖元年

凡四十五年

西洋千五百二十二年

明穆宗隆慶元年

凡六年

西洋千五百六十七年

明神宗萬曆元年

凡四十七年

西洋千五百七十三年

明光宗泰昌元年

凡一年

西洋千六百二十年

明熹宗天啟元年

凡五年

西洋千六百二十一年

明懷宗崇禎元年

凡十七年

西洋千六百二十六年

大清順治元年

凡十八年

西洋千六百四十三年

大清康熙元年

凡六十一年

西洋千六百六十一年

大清雍正元年

凡三十三年

西洋千七百二十二年

大清乾隆元年

凡六十年

西洋千七百三十五年

大清嘉慶元年

凡二十五年

西洋千七百九十五年

大清道光元年

西洋千八百二十年

大清道光二十一年

西洋千八百四十一年

附回國教主辭世年月攷

梅文鼎曰據西域齋期

江甯至鴻堂刻單

以康熙庚午五月初

三日起是彼中第九月一日謂之勒墨藏一名阿咱而

月也至六月初三日開齋是彼中第十月一日謂之紹

哇勒一名答亦月是爲大節再過一百日至九月十三

日爲彼中第一月第十日、謂之穆哈蘭一名法而幹而
丁月、其日爲阿叔喇濟貧之期、謂之小節、鼎嘗以回回
厯法推本年白羊一日入第六月之第八日、與此正合、
又據齋期云、本年庚午聖人辭世、共計一千零九十六
年、此太陽年、故本單開聖人生死在本年十一月十四日、在
彼爲第三月、謂之勒必歐勒敖勿勒又名虎而達、查西
域阿刺必年、是開皇乙未、距今康熙爲一千零九十二
算、減一爲一千零九十一、乃開皇己未春分、至今康熙
庚午春分之積年、又查己未年春分在彼爲太陰年之

第十二月初五日，以距算一千零九十一，減聖人辭世
千零九十六，相差五年，逆推之，得開皇十四年甲寅爲
聖人辭世之年。約計甲寅至己未，此五年中，節氣與月
分差閏五十五日，則甲寅春分當在彼中第十月初，
聖人辭世既是第三月，則在春分前七箇月，爲處暑月，
卽今七月也。自開皇甲寅七月十四日，聖人辭世至今
康熙庚午七月十四日，正得一千零九十六年，故曰共
計一千零九十六年也。據此，則開皇十四年甲寅是彼
中聖人辭世之年。薛儀甫謂回回厯蓋以此而誤。又按

教主以第三月辭世而其年春分則在第十月今彼以第十月一日爲大節蓋爲此也

西域水道記曰喀城外回教和卓祠堂門外刻石柱紀年一年一畫以派噶木巴爾初生爲元年派噶木巴爾於四月初十日成道六十三歲而卒嘉慶二十四年六月初二日爲彼中第一千二百三十三年之終按回回術有太陽年彼中謂之宮余有太陰年彼中謂之月余齋期以太陰年

爲準數至第十二月則齋滿日相慶爲正日齋月即彼中十月

二所謂月一日又不在朔以見新月爲准歷十二月爲

一歲有閏日無閏月故歲首無定月大率每間二年遞

早一月

如元年歲首在十月三年則在九月五年則在八月之類

今以初二日爲歲

除是用太陰法見新月爲歲首也明史曰三百五十四日爲一周周十二月月有閏日凡三十年閏十一日言太陰年也准此論之計三十年應有一萬六百三十一日則一千二百三十三年積四十三萬六千九百三十四日又十分日之一以回回歲實三百六十五日一百二十八分之三十一約之得一千一百九十六年又一百四日半弱從嘉慶二十四年六月初二日逆數之當

託始於唐高祖武德六年三月初三日也源案此所攷與梅文鼎互異然自昔皆稱回教始于隋開皇初則梅文鼎所考是也此石柱所紀或回教第二世教祖托始之年非穆罕默特之年歟

附佛生滅年歲

俞氏正燮謂道家有老子化胡成佛之說謂佛生周敬

王二年滅于考王三年在老子出關西逝之後僧徒力

避此謗故推而前之曰周莊王九年恒星不見時生魏書

釋老志隋書經籍志又推而前之曰周桓王時生釋道安二教論宋史律歷志

又推而前之曰平王時生費長房歷代三寶記及法苑珠林又推而前

之曰穆王時生

通歷云佛以孝王元年入涅槃

又推而前之曰昭王時

生

一唐僧智深續集古今佛道論衡引周書異記二法苑珠林三宋僧契嵩傳法正宗記

又推而

前之曰殷末生

晉法顯佛國記佛涅槃至晉義熙千四百九十七年滅度當周成王時則生當

殷武乙時

又推而前之曰夏時生

唐僧道宣感通記又蒙古源流述唐太宗文成公主

嫁吐蕃時距佛涅槃二千七百五十餘年元太祖距源佛涅槃時三千三百餘年皆當生于夏初誕不可信

按唐元奘西域記云佛滅之歲諸部異議言佛沒至大

唐龍朔三年經千二百年或云千三百年或云千五百

年或云未滿千年此諸說惟初二條庶近詳實蓋唐高

宗龍朔三年當耶穌之六百六十三年距周匡王佛滅

之歲千二百六十五年此乃質諸佛經正法像法之懸
記沸星下降之符驗印度相傳之年數信而有徵非避
化胡之誚而推諸前也佛滅度距耶穌生六百零二年
但除三四歲卽在五百餘年限內經舉大數不以三四
載爲損益且佛母泥洹經言正法當住千年以度女人
出家減五百年是則正法本自贏而縮故佛力餘慶稍
延數載不足爲異若如道家化胡之說謂佛生周敬王
二年南史顧歡傳引道經元妙篇則滅度于考王三年距漢元壽初
耶穌之歲僅四百四十二年而正法五百更少決不可

合矣故正史所載佛生當周莊王恒星不見星隕如雨
之歲一則與佛經沸星出時降生王宮之符應合二則
與佛經正法五百像法千年之懸記合三則與印度相
傳佛滅度至唐龍朔千有二三百年之傳聞合請以息
道釋之訟決今古之疑